

اوسات عمومي شجره عمومي

هفته لقی سیاسی ، ادبی و علمی غزته در .

جلد : ۱

سنه : ۱ ۲۲ جادی الآخر ۱۳۳۵ جمعه ابرتسی ۱۴ نیسان ۱۹۱۷ نومرو ۲۴

بر یالانک تاریخی

کمال حرمتله شگری بلک افندی به

تصادفک تحف بر تجلیسیله ، تورکیه نك تاریخ تشکله و انحطاطنده آمریقا بویوک بر رول اوینامش ، وبرکره موفقیت ، برکرده فلاکت کتیرمک شرطیله ، بر جدید ایکی دفعه مقدراتمزه تأثیر ایتشدرد : اسکی دنیانک اسکیدن بروحدتی واردی ، و بو وحدتده ، خرسقیانلنی تهدیدایدن هر تهلکه به قارشى ، پاپانک بردنبره مادیلشن حاکمیت معنویه سی آلتنده تجلی ایدردی . اوزمان آوروپانک بو خرسقیان هیئته کیم هجوم ایتشمسه ، بو وحدتک قارشیسنده درحال انحلال ایتشدی . فقط اون بشنجی عصر کلنجه ، وجدانک ره فورم اسمنده کی مختاریتنی ده برابر کتیردیکندن ، بیزانسی استانبوله تحویل ایدن تورکه قارشى اسکی وحدتی احیا ایتک ایستین پاپالرك هر وعظی و بوتون نصیحتی بیوده قالدی ؛ زیرا کلیسا انقسام ایتمش ، نفوذی اکیلمش ، و ... برمدت صوکرده ، آمریقا کشف ایدلشدی : اکر مقصد یرسه ، یکی دنیا بوم بوشدی . جنویزلر ، اسپانیولر و پورتیکیزلر ، بو سببله ماورای اوقیانوسه آقین ایتدیلر . میراثه قونارکی ، کیتدکجه همان هرملت یکی قطعه بی استملاکه قوشدی ؛ اکر آوروپانک بو ترقی واستعمار احتیاجنک ابدالرنده میدانه بر آمریقا چیماسه ایدی ، عثمانلی تاریخی بوس بوتون باشقه بر شکل آلاجقدی ! بوتون غربک شرقه ، واولا شرقک اوک قسمنه آتیلداسیله ، آسیاده بر آمریقا تاریخنک جریانى محققدی ! ... ایشه ، آمریقانک عثمانلی تاریخنه بر خدمت شکلنده اولان برنجی تأثیرى بودر .

ایکنجی تأثیرى ده ، ایکی یوز برقاچ سنه صوکره ، اون سکزنجی عصر ایچنده تظاهر ایدرد : اوزمان روسیه تأسس ایتمش ، واونک برأ اولان مساعیسنه ، آمریقادن آرتق دونلرده بحرأ اشتراک ایتشدی ؛ چونکه یکی دنیانکده ملتربله حکومتلری تشکل ایدرک آوروپالیرى قوغدقدن صوکره ، آرتق آرقالرندن قاپولرینی قاپامشردی . بو سببله انکتره ، هولاندا ، فرانسه و اسپانیا کی دول بحریه ، آسیاده استعمار ایدرک جزائر وشبه جزائر تحریسنه چیقیدیلر . بزده یوللرینک اوستنده دوریوردق : بوندن دولانی ، آمریقا باشنده کیلری اوستمزه آتمش اولدی .

بر حکایه دن:

سور مناتبول

دوشه جكدك ، يولكده بر اوچوروم
سكا آچشدى بر درين مدفن ،
او زمان بر فضاي مخفیدن
سنى بن چيغلغمله طور دوردم؛

اوكجه حس ايتدك او قشايان بر ال ،
صوكره قوتلى بر دميرنجه ،
بر نوازشدى طويدىك اول ،
بر زمان صوكره اولدى اشكنجه .

بيليرم ، پك چوغالدى تضيقم
اعتراف ايت .. فقط مسبب كيم ؟
سنىميسك ، يوقسه بنى مى مجرم ..

بونجه ييلدر اويانمادك حالا ،
سنى قورتارديغيم قباحتمى ؟
بونجه ييلدر اويانمى خطا ..
يوقسه كوسترديكم بوشدمى ؟

كيتديك يول بوكونده بر اوچوروم
دوشه جكسك قادين ... چكل ، ديپورم .

ساحم رفعت

احتياج سکون

طبعده شيمدى ميل سکون وار؛ طبيعتك ،
انسانلرك حياتنه بيكانه سيرم .
ماضى يه منكسر كى ، آتى يه مطمئن
انظار نى خيال ايله باققده فكرتم .

اشيايه انسلاب ضيادن دوشه ن ظلال
تنظير ايدر ظلال حيات حزيمى ؟
هردم نظر كهيمده اوچار طيف انفعال ،
اوقشار عدم قانادلى لوح جينمى .

آلدانديغيم يتر سزه ، آلدانديغيم يتر ،
أى سن نصلسهك اويله طوران كهنه كاشات ،
أى سن ده دائما دكيشه ن خودستا بشر!
آرتق سزكاه اوغراشه م .. بيقديكز بنى ،
سز قازديكز اوكمده آچلمش شو مدفنى ...
اولسون سكوتكز بكاك صوك برالتفات .

سليمانه نيب

۲۸ ايلول ۳۳۲